

六八八・史部・地理類

〔嘉慶〕松江府志八十四卷首二卷圖經一卷（卷二十七至卷五十五）〔清〕宋如林修

孫星衍 莫 晉纂

2643/08

松江府志卷二十七

田賦志 役法

唐百戶為里五里為鄉里設正一人掌案比戶口課植

農桑簡察非違驅催賦役在邑居者名坊正在田野

居者名村正華亭一縣統鄉十三則里正六十五人

也顧

宋以衙前主官物以里正戶長鄉書手課督賦稅以耆

長弓手壯丁逐捕盜賊以承符人力手力散從官給

使令

三才考略

熙寧開行保甲罷耆戶長壯丁

三才考略

松江府志

卷二十七

田賦志

一

役法

元祐開復耆戶長壯丁仍行保甲法

三才考略

乾道開行義役令民量家厚薄隨戶役多寡輸金買田

遇當役者以田給之

江南通志

端平三年知華亭縣楊瑾停差保長募民為直鄉

凡里正之

事屬重置義役田以充役費

顧志

義役始末序 役法之弊向矣熙寧雇役與元祐義

役二說矛盾幾不可復合而民生否泰亦或由之紹

興開闢適厥中衙前弓手則用雇法解都保長則用

差法然差役既仍舊則吏奸民訟相挺為擾族黨里

姻相族如仇其固自若也乾道開義役之法立其說

聽民自等第出田各以久近在使官特主其籍而藏

之意非不美也然久則獎獎則爭則議者反謂不

如差役之便鳴呼雇役差役而後有義役法亦詳矣

俱弊邪華亭諸鄉舊多義役自版籍零落催科煩擾

松江府志

卷二十七

田賦志

二

役法

甲午友人楊君廷潤以東門稅攝邑不敢以暫而怠

其事聽訟必以理而不可干以私也督賦寬其期而

不可違吾令也挾富而訟挾貴而訟吾不汝問苟直

矣則直之抑強扶弱之偏無有也既又念催科之難

縣版籍之闕俾有產者各疏其物業之實吾為汝書

之籍尺寸之帛斗升之粟可得而致鄉胥之計不行

焉由是人情大悅令無不行郡太守以君治效聞於

朝謂資考雖未應時願小遲餘次留君以畢產籍邑

之父兄子弟亦相帥請命有司精擇守令以任牧養

而治則邑者尤艱其選於是特以君知縣事君入官

猶未及考前此未有也今下邑人皆曰今得賢侯矣

樂從強者不假刑罰而心服昔者以訟不直番理於

郡於諸司於臺省者肩摩而足接今無之昔者月輪

錢帛於郡若俸於諸司者常以稽違受譴今無之萬

家之邑無留獄無滯訟無乏供田里受安桴鼓不鳴

邑人又曰自有吾邑如吾長官戴白之老未之識也

猶未嫌也縣官閑華而役不司差是明詭族以困貧

弱而未能革也杜爭端均賦役使比閭族黨歎然有恩以相接是吾志也成吾志者其惟義役乎然鳩民田以爲役可矣始雖合而終必離邑之保五十有四昔嘗自爲義役未幾從散約壞君自以錢募民爲直鄉凡里正之事屬焉行之期年雖足以杜一時之爭後乎我者有一不繼其爲民病自若也會郡太守亦以義役爲諸邑勸且獨鉅俾買用以供役費君以郡鉅他日終爲吾邑累不若推誠以輸邑人與其鬻訟以破家孰若施舍於今以絕無窮之爭君信義素孚於人遂相勸勉不戒而集卽以其錢買田盡入官籍分畀諸保而貧弱之鄉不能爲役之助者君銖積寸累共得錢八千四百緡買田給之最爲田若地二萬六千畝有奇且復申明盡蠲其苗稅苗一千一百六十石有奇稅一百三十一貫有奇絹之以鐵折者一百五十四匹有奇川家元鑑亦復索而歸之郡矣條章品式纖微委曲講畫詳明且鑄版以示後來所以加惠邑人垂百年之規至矣盡矣書來告我曰僕之心思於此罄矣苟利於民不卹也且日役之成也難矣不能不應者田鬻於官稅入於莊固無瓜分之虞而貧富之不常排比升降有一不公則爭端復起足以

松江府志

卷二十七

田賦志

—
—
—

敗吾役田之租稅既竭固無復敗之慮時異事殊州家倘不加察而言利析秋毫者欲撻取之眇然下邑壓於勢而不敢抗則已獨復取尤足以敗吾役吾爲邑三載不置保長所以便民也民則便矣而非吏之便他日或巧爲之說謂期會差而事不集倘仍其舊則爭端將起又足以敗吾役吾爲此懼扶持而存全之俾勿壞惟後之君子是望子其爲我記之使心事昭白子之惠也嗟夫立法垂後作者非難而守者爲難行之於暫非難而持之於久爲難百年成之不足一日壞之有餘昔人固有是言矣畫一清淨之歌垂之古史千載之下以爲美談者亦知其爲難也今之爲邑者窮日力竭心思不過考核財賦以應期會祈免一時之督責而已千日之遙惟恐速化之無術苟不至厲民以自豐謗然賢譽已溢於阡陌其有興利除害爲民深長思不特今日慮又爲將來慮如君者世寧有幾哉是可紀也予與君居同里君之心事予知之深而君之爲政得於邑人甚詳遂以所聞撮其大要爲之記君名瑾廷潤其字也登丙戌進士第郤使者又嘗以治效刻上有旨秩滿陞擢君自是升矣嘉熙改元上月癸巳朝請即監行在都奏院李知退

記宣
教郎
樞密
院編
修官
兼權
屯田
郎官
王萬
書并
題額

按嘉熙以前華亭諸鄉而相侵差役追會風火屬
戶多緣此破蕩楊公澄任仍免差遣除追會風火屬
郡保承遞人外若兩科催科仍用本縣雇募直鄉此
說見便民省罰是宋代保長外別有都保承遞諸役

元州設坊正鄉設里正都設主首專辦稅事後改爲季

役其次有貼役以糧多者爲役首雜役則弓手祗候

禁子 斗子 曳刺 鋪兵 船夫 防夫 馬夫 鹽車 織染 匠雜

造匠三才考略

泰定元年行助役法

助役田糧記略 江湖野乘 四道明主之廢錄
夥賦役之重莫過於江西然歸附之後亡宋科徵文
冊散失殆盡催納稅糧上憑鄉司草間以致里正主
首陪開有科無徵錢糧上戶漸至困乏況中下戶哉

松江府志

卷二十七

財

四

延祐五年奏奉聖旨議行助役之法浙西廉訪使言
州縣定擬差徭弊幸非一上戶萬畝不過差充里正
而下戶田不滿百未免定爲主首直至賣田畝鬻妻子
而後止訪聞腹裏路分坊里正等役一鄉一都之閭
有依驗衆戶包銀分數共出銀鈔雇人代役遂得安
居至今行之官民俱便如今之計令有田百畝之上
者出田助役誠爲便益至治三年松江奉省劄準中
書咨欽依奏準事理分委官員及各縣正官親詣鄉
保就與各處耆宿人等斟酌彼中輕重物力多寡該
出助役田糧數目坐落條段主戶花名開申每歲儲
畜推舉信義之家以充里長掌管收租助役輪流相
沿交割不許有司干豫攢造印冊三本一解省一存
府一責付里正仍嚴行設法關防華亭上海二縣照
勘到二縣人戶助田一千四百六頃三十一畝八分
九釐該米六萬三千五百四十四石二斗六升五合
推舉里正邵正三秀等二百四十三名掌管收租助
役既已造冊關防令於本處置立石碣明白鑄記
條段四至字號備細數目以防移換埋沒之弊云前
松江府教授余卓撰

元統二年上海亦行助役法

坊正助役義田記略 上海之地阻江而濱海至元
開易鎮爲縣市舶司在焉故商賈輻集民物繁庶
役者猶未病其後船移東浙鹽課日減而坊正之
始爲病矣於是邑之耆老相與議曰望萬戶費公
議焉公謀於衆相率有力者輸其力之上下而差
之各輸幣買田若干畝歲收租若干石以爲助役
而公所輸九影田在縣之廿五保其議約則本保
正歲掌其租入以給坊正之費坊正歲集衆議公選
有幹局者二人以董之上不失公家之務而下可
緩民力斯亦救災之權也既成乃謀勒石以告於後
期於永久而無斂戶府經歷王良撰

明以里長老人主一里之事以糧長督一區賦稅以塘

長修理田園疏決河道其餘雜役並於均徭點差

按明編賦役黃冊以一百一十戶爲里里分十甲日
里甲以上中下戶爲三等五歲一均役十歲一更造

松江府志

卷二十七

田賦志

五

役法

一歲中諸邑雜日應役者編第均之銀力從所便日
均徭他雜役日雜泛凡祇應禁子弓兵悉簽市人不
役糧戶其銀力二差俱有定數銀差者以差編銀不
復雇役也力差者派定銀數自當雇役悉聽其便非
於所編之外從民過取也若簽點糧長必殷實之戶
督其鄉租稅多者萬石少者數千石部輸入京云

永樂間編簽馬頭

江南

按三才考略云暫借南方百姓買馬當差過二年仍
著土民買馬更替回來此即府屬山東鳳陽馬夫也

正統八年巡撫周忱奏準松江一府凡闊白三梭布一

匹準平米二石每匹加車腳船錢米二斗六升闊棉

布一匹準平米一石每匹加車腳船錢米一斗二升

每匹長四丈二尺五寸重三斤兩端織紅紗以防盜

剪郭

十二年巡撫周忱因集價買馬重爲民患議於秋糧

帶徵耗米易銀代之

江南

天順間巡撫都御史崔恭仿前巡撫周忱遺法編定均

徭

江南

宏治間應天巡撫朱瑄奏減內府供給南京科道等官

公差諸役各衙門坐派及運送人夫等項詔從之

通

十六年戶部覆準蘇松等府歲解折糧布匹舊例送

部看中送貯甲字庫備用宏治六年該庫以布匹不

登原樣恐嚇解戶至費銀八九千兩近奏準今後該

部看中不必再揀而該庫執奏布不及三斤不知蘇

松江府志

卷二十七

田賦志

六

役法

松布精細而斤數不足北方布粗厚而斤數有餘自
今蘇松解布至部揀中送庫不得再揀以免解戶借
銀賄囑之弊

郭

嘉靖間知府王儀靖立法編簽糧解照田多寡爲輕重

凡大小差役總計共均徭數目一條鞭徵充費雇辦

役累悉除

江南

四十一年知府臧繼芳議以細布附北運官船帶徵

貼以損墊行之一年仍編民運

郭

隆慶初改糧長爲總催

郭

三年改里長爲經催又分官甲以老人督之

郭

是年巡撫都御史海瑞革報府城附郭總甲於十排
年挨日輪充江南通志

又巡撫海瑞將均徭均費等銀不分銀力二差俱以
一條鞭徵銀在官聽候支解江南通志

按一條鞭法十甲丁糧總於一里各里丁糧總於一
州縣州縣總於府府總於布政司通計一省丁糧均
派一省徭役於是均徭里甲與兩稅為一凡一縣丁
糧畢輸於官官為發募以充一歲之役小民得無擾
而事亦易集然糧長里長之名罷而其存諸役仍
至復發農民法行十餘年規制頓紊不能盡遵行也

萬歷閒巡撫胡執禮更定徭里貼役革除里夫江南通志

郡人林景陽上巡撫胡公書 竊惟江南賦役甲於
海內而敵郡最爾僻壤列為雄望頻年以來供億繁
苦既無不盡之力不竭之財矣閣下嘉惠地方欲更
定徭里貼役盡革力差里夫使第輸銀於官而無所
役法

松江府志 卷二十七 田賦志 七

與誠百世良法然因謂民即多出財以紓力庸何傷
愚則以為未可夫均徭特衙前一役其餘收頭催辦
解運向多也里甲以供祭祀賓客府官之需而民關
不時徵索自若也貼役以贖北運而夫船耗辦及解
戶之費又數倍也今計三者之徵約六萬兩已當他
省上縣之賦矣在官之額一成難變恐今日加編既
定異時即閣下身在官位灼知其害而有不議議減
者是財之出於民一定而不易者也而又不議議其
不增若夫奸胥猾吏視有司之所不便下片紙之令
在官者復轉而在民易易耳是力之不出於民非一
定而不易者也而況將不止於一變至於時勢之紆
慘國用之緩急又非意料所能盡也閣下計目前之
多循良而不知異日之無不肖習於聖朝之休養而
不念時會之有更張愚竊以為過矣且夫雇便於差
自古志之而昔人猶以為年年出費戶戶徵錢此雖
熙豐士大夫一時弊論而閣下今日不可不念及於
此也毫釐之所益者視若甚輕而歲歲之敲扑其根
限一年之敲扑其原皆起於毫釐歲歲之敲扑其根
又起於一日更法之始得不慎乎閣下誠欲利民當
省在官之用而不當增在民之供當深思其費之所

由寡而不當徒講其費之所從出狂瞽之言惟閣下
勿罪而采擇之則德意終遂而閭閻受無疆之賜矣
巡撫都御史徐民式題準均役紳衿限田優免餘俱

一體當差役分上中下三則以田多寡為差江南通志

徐民式疏略 按吳中之役除一切里排小役艱辛
萬狀者無論如糧收倉收南北兩運有終歲拮据始
得竣事者有永宿風浪戰兢道路貴空產竭流落他
鄉甚而血枯淋瀝公庭疲曳查盤偏迫獄底羈監三
年五年尚未得息肩者蓋因隆慶年間吳中大戶創
立官甲自辦自此自收自兌未幾巧詐百出樂賣紛
然有倚官甲為避差之窟而詭寄者有通家紳於猾
胥之手而花分者有寄莊而圖優免者有通家紳於
溫免者相沿積習牢不可破而長民之吏莫能究詰
夫總計一縣之田止有此數而此數則彼減官戶之田
日增民戶之田日減故縣中一遇編差上戶不足點
及中戶中戶不足點及下戶下戶不足點及下戶下
僕方且坐擁良田耳不聞役而彼鑿鑿貧民反出死
力以代大戶之勞費此情理之難通也該職等嚴行

松江府志 卷二十七 田賦志 八

道府縣清查自科甲以至一命謹遵照會典厚加優
免似無不協其餘限外田畝及有詭寄花分寄莊故
官樂不吝隱匿無論官民
盡數照田編役以難積困
三十八年華亭知縣聶紹昌作經催布解收兌收銀
及官甲餘田起役諸議
紹昌經催議略 松郡之役莫苦於經催經催不過
於一圖十排年之中挨次輪辦而一圖之錢糧起總
盡責其身十日一限一身在鄉催辦一身到縣應比
所以近之有分身催比之難有上城下郭衙門押保
之難有代人賠贖之難是以承此役者身家多喪總之十
年查盤納罪之難是以承此役者身家多喪總之十
患有一二在拖欠一在侵欺不問細民之完多完少
而惟經催之是責則良者無勸頑者得志所以敲扑
愈多而負課愈甚欲除拖欠惟在於明悉細戶而欲
除頑戶侵欺其要在明摘欠戶今議於各區各圖立
一實徵細戶用糧冊每區總催開列圖總一冊一圖
一本一本發總催收執一本存縣發糧上收執此開

九

先開一區錢糧總數次開各圖錢糧總數卽就一圖分爲十限每限總催於各圖名下開其完欠完者開其實數若干寫如數二字欠者開其實數若干寫不如數二字又將人戶田數照依虎頭鼠尾列其多者於前少者於後以憑比較其點拘頑戶先拘其田糧最多者次及其田糧少者雖有先後決無幸免矣紹昌布解議略華亭布解最爲煩苦一縣額供三錢細布二十四百五十餘匹每匹布價銀七錢鋪墊槓解盤用銀一錢一分二錢細布一萬三千四百五十餘匹每匹布價銀六錢鋪墊槓解盤用銀九分自領銀投牙賃房聽驗印解布祇油納包索舟車盤牘掛號銷批到京門單稅鈔內監庫官吏書司房保識庫夫長隨廚役見面後手擺飯茶果土儀磕頭復求雇夫交納等項每匹賠銀不止二三錢一經退回則重復解進每匹有賠至五六錢者在木鄉先經揀選驗印至京又且任意揀退百千浩費此真莫大之役而近年乃愈點中人之家又不給銀單寒下戶豈能賒買勢不得不賣田鬻產揭債買布接到京邸及其交卸獲批則已吸骨及髓更無身家餘贍矣所以吳中一聞此役如赴死地蒙徐撫臺奏請二錢糴粗布

+

盡腐而其病又在於國矣然軍之所以待爲民害者又皆由傍倉奸棍糾引漕軍大開詐局漕軍利奸棍以爲腹心奸棍利漕軍以爲囊橐互相勾引花街鬧市浪擲金錢未及交兌漕軍地頭之費已百孔千瘡專恃多勒贈耗以償所用於是倉棍輸情指點曰某某是糧役渠魁一賂此人卽爲多耗多用之倡而兌軍之費始發然頻重而不可以禁止今幸撫按清臺刻刻告示嚴行禁戢若納戶米既乾潔不得耗贈之外多勒升合違者一體責治悉遵清運議軍每百止加濕潤米三石五斗或外再加三石五斗而止又嚴申漕規止許一旂一軍到倉交兌其綱司話會賜斛淋尖綱圈後手之類一切禁約通完之日卽催趨開幫前去如此則漕粟乾潔軍無腐壞累賂之苦漕令嚴肅倉無譁兌喧擾之虞矣

紹昌收銀議略 今之收銀卽昔之長收昔年長收之濫賜在管月買辦舉公家承應上司餽送交際一切浩費盡責其人所以蕩折無存者於是乃以大收改爲小收大收二三萬小收自一千至四千而止然查往時相沿積弊如傾銷滴浦解放虧折書算衙役種種需索又有雇募橫書微寓盤用所以一千必費

田賦志

役法

於南北二運各項差解非民甲諸練慣熟者不能承
受請以收銀總催之半槌糧兌軍之大半役官甲餘
田可乎何也往時里排催糧官自銀不惟主人難見
如帝管數人亦難見如鬼使衙門吞飢忍凍徒手
而返限杖難逃自見有書而納甲之白銀自納自比
隱然充里排之役獨有領銷交納之與民甲一體傾
銷交納此役之稍輕者也往時收兌糧長收鄉官體
糧或插和木穀或斛斗不準既無衝尖又無加耗自
立書圖而官甲之體糧自收自兌隱然充一收兌之
役獨自本名正項非與人互代耳今議官甲田多者
以收兌之役加之民代官甲南北運等差而官甲代
民兌軍一事此役之亦
重者也官因俱以爲便

四十七年華亭知縣章允儒定差撥塘長之法

允儒議略 塘長輪年承充往往獨稱苦累何邪蓋
以上役之後工房吏胥有按季需索之例水利衙
頂區之例大區五兩一圖小區二兩一圖以繁縣計
之不下幾百金矣至於搬運泥土裝釘棘茨開濬河
役法

松江府志 卷二十七 田賦志 十一

道又以遠近多寡抑勒之此塘長之苦悉由衙署所
致也今後塘長差撥運開濬等項設立簿籍聚本
縣一視注地方吏書毫不得假手至於裝釘棘茨
勢不能免臨時酌量多寡輸流派取定不偏累一人
崇禎元年禮科給事中郡人葉有聲等奏覈布解等役
利弊

葉有聲等詳舉御史董羽宸錢士貴沈猶龍馮
明琦兵部王陞工部董中行王庭相朱長世唐昌世
姚元允疏略 東南根本至重差役困苦難支非邀
皇仁松溺之恩易慰聖主如傷之視謹實難諸報仰
祈再造事竊惟國家財賦全在東南而大徵輸悉
資民力休息之無以必其生困苦之終難以勉其
命矧松郡僻處海濱民貧役重更以年來加派水旱
游務未完戶無再傳之業下戶多速斃之形家已罄而
公務未完人雖亡而妻孥猶繫其歌長楚而嗟斗其
者蓋比比是矣當此堯舜之世不爲思解其倒懸則
負吾民目擊彫彫之狀不思披衷以入告則負吾君
致君澤民臣等所學何事乃當此遭逢而自失之也

役緒多端難以縷指如收銀徵糧塘長里甲以至南
運輕齋公侯馬費麥折昨銀柴薪風汛驛傳鹽司等
解役種種完耗皆不使於民毛髮空存膏髓已竭敢
以絲米之盡與善後之圖一陳之曰布解夫布
非獨產於松惟松粗細兼解倍爲繁難假令給銀在
先買布在後後松無有需索吏總無有指扣關津無
有橫徵積欠無有支吾索二錢三錢之加編往往不
計展轉乾沒即正項布解或先買半發或解後始領
或經久不給漸成烏有而關津盤驗所至畏途臨清
有罰河內務有罰崇文門復有罰或量帶餘布以備
拍壞則又指爲來帶苛罰隨之及至交納則鋪墊之
外歇家巧立名色土儀有費茶果有費庫夫驗布有
費挂號銷號各衙門向未竣事而府縣已監比家屬
苛罰又隨之嗟嗟小民維艱後歸諸民今蘇州府屬
也查照此役昔年原係官解後歸諸民今蘇州府屬
在官松郡登應獨異設有不便請照常起解但價必
先期預給一切不許扣除升發禁衙門需索有仍隨
陋規者許解戶到京日赴台於衙門揭稟其無按監
同亦於挂號之日面查官價有無全發有無虧扣如
役法

松江府志 卷二十七 田賦志 十二

或製少即行該縣給足仍各給路引一道明開正布
若干倘布若干以便津關驗放不許科罰一切舊規
如前軍等詳舉御史董羽宸錢士貴沈猶龍馮明琦
姚元允疏略 東南根本至重差役困苦難支非邀
皇仁松溺之恩易慰聖主如傷之視謹實難諸報仰
祈再造事竊惟國家財賦全在東南而大徵輸悉
資民力休息之無以必其生困苦之終難以勉其
命矧松郡僻處海濱民貧役重更以年來加派水旱
游務未完戶無再傳之業下戶多速斃之形家已罄而
公務未完人雖亡而妻孥猶繫其歌長楚而嗟斗其
者蓋比比是矣當此堯舜之世不爲思解其倒懸則
負吾民目擊彫彫之狀不思披衷以入告則負吾君
致君澤民臣等所學何事乃當此遭逢而自失之也

松江府志

卷二十七

主

陳御史韓浚題準北運生派本區務在十一月收足
隨給夫船銀兩以便雇募船隻正月開行六月到京
每船置立紅牌不許旗軍阻抑其車腳絲牘米折等
銀總部官沿途給發不許越扣仍聽令於衙門嚴行
查訪以定本官賢否再較巡倉御史如白糧到倉嚴
禁積年保滋失此皆良法較定官解與祖制無異
不得索賄再為申飭而北運其稍遲矣永一行今廢
倉雖次於北運而昔年每名派收不及千石今且加
其半矣舊制漕規每百石加耗三石六斗今且加
三四十石矣又有奸民不便納米包役收銀運至隔
區搶收爭執多端折及運船一不獲比通關而指臂
虎狼通漕卒就輕折及運船一不獲比通關而指臂
又勒捐通漕卒就輕折及運船一不獲比通關而指臂
至凌虐縣令莫敢誰何且十月間倉延至五六月方
始交兌賠費又何可勝算昔年長倉與令熊明遇凡
遇糧戶收米到倉每石加增一斗盛貯口袋委官驗
額在倉糧長各發家俟運船到日將各倉編成號
籤總置筒內聽候軍家何號正官與運官開會交
兌並不列收兌姓名則強軍何從索詐倉棍何從勾
役法

引而從前積弊庶幾稍清收兌亦不至重困矣然調
劑在與時宜而剔蠹要從近始如縣總掌糧田畝
移錢穀價以受越為事一遇編審飛酒隱匿蠹弊萬
端此他郡所無臣獨有決當永革不用另有華青
兩縣義田四萬畝乃昔年光祿寺臣顧正心仗義
役蠲資所買會經題請勒石俾各輕重諸役在在
惠者悉肥佃保官收官給徵在庫者盡飽吏胥欠在
下者悉肥佃保官收官給徵在庫者盡飽吏胥欠在
苦役者也以上利美舉漸成漕運所當一井清查少助
瘼為念是敢仰體宸衷逾限陳代為請命伏乞洞
察臣等因奏梓起見實為根本深維救下撫按倉
漕巡視諸臣迭款釐革奏請遵守將見水火之衆還
矣崇禎二年正月奉聖旨賦役原來屬民有司不加
軫恤致貽民累這奏布解等役利弊該撫按悉心講
求開倉漕各衙門酌量以盡一務俾宿蠹盡祛顧正
心助役田委賢明官嚴加清覈使
民沾實惠完日具奏該衙門知道
二年知府方岳貢議革布解之弊

松江府志

卷二十七

西

岳貢布解議略 布解之受累無窮而約略言之其
病有四曰發價之太遲也扣銀之太重也衙蠹之
橫而催批之太急也蓋此役須該縣大富者充之官
視以為大富也吏書門卑無不耽耽視為大富也日
夫夫與官法而輕銀帛者欲以充公費而飽私囊非
若輩奚取焉於是有一先買布後給銀之說而布區
府快控通縣快見一加五之例而布解困於是有
例催驗布催印布催費又有例催驗布催印布催費
布出境而安家路費又有例催驗布催印布催費
青鹽矣其印布也鋪堂有例茶房庫房有例書門
快各有例一票至非數金相酬難禁其凌逼層層剝
削而不絕每一票至非數金相酬難禁其凌逼層層剝
餉盡數扣作皮骨盡矣今議將解戶名下應納之糧
則運發重扣之弊可除也官給串單令解戶設櫃自收
之票一切已之但令解戶自具限狀某日有布可印
違限責之夫亦何辭至夫驗布限狀某日有布可印
境之役則又萬萬可省者每季起程者限以八箇
役法

月四月起程者限以十箇月五月起程者限以對年
寬以時日而責其違限夫又何辭票既省限既寬阜
快敏手矣而門內需索尚有意外者日印發之
不速也待從之太多也惟是隨到隨印隨發絕
不留宿而一吏一門之外非挑布者不許與布
近遠則重創之明示以官府護惜解役之意而赴院
控重究或亦蘇息積苦之一端也
是年華亭知縣鄭友元酌議賦役以甦民困凡八款
友元經催十甲均辦議 本縣本折額賦幾及五十
萬其里甲計共八十區六百三十圖每圖排年十名
分辦十年一勞九逸其比級亦云簡便法似可久然
通賦因之愈甚輕催之累遂至需產破家而草支蓋
因十甲輪役彼此互欠則承役之年一人代十甲以
償通而中人之產立盡且充役如此其苦則大家圖
即目前利人包辦而無田亦棍徒意索貼貼一入手
恣意收侵幸而催科稍寬則募人代付了事萬一差
違緊催攜家以逃而官仍問之正身必更驚產賠已
雖大家亦破矣且一圖并額多至數百金萬不得已

雖非專管觸目桐胃能不曲爲之計乎歷據呈排呈議酌量可久之法大抵令泥頭包工費給而工完始於水利實實有濟謬稱塘長爲小充軍蓋以興作必於冬時天寒口口口包工泥頭分年分段按例而令塘長授之以值則多索者無名可指勒詐者無隙可乘官不必王遵之露宿民得效涇州之息野戴叔倫均水法無以過之

布解議略 舊例解戶四名領解梭布一萬六千一百八十五匹棉布四萬八千九百三十五匹除價損外又有墊貼銀兩共銀三萬八百四十七兩零給役之費差亦瞻舉然五年之內必竭數十大戶之力甚至破家而猶不能完者何也大戶出名則人皆利之白領銀以至銷批之日在外在京等吏書而上極於內庫官監無名之費不可勝紀若改以爲官解則奪其擅募外費永革而內費亦省其十之七八以內外所省盡歸之正費則官解無累然向來官解不能竟事者何故領買不得其人收解不得其法差委不得其官也今在城機戶慣織官布者原自有人查布分別二綾三綾有每匹定價三錢八分或四錢者各增二分則機戶不謂厲己也而任之矣機戶既定則分

府志 卷二十七 田賦志 七 役法

派里排令各買二三十匹上納卽算除白銀比簿之額且一二月之前以銀交機戶報數在官已免里排比責一二月之後仍嚴限機戶交布其不如式者止責之機戶則里排無受勒受賠之累亦不謂厲己也而任之矣又何患領買之侵費乎里排納縣驗訖卽同填價墊貼一并解府仍於填價內每年量扣百金修本縣及糧廳坐船二隻以供運載而監官解之直至河西務起岸登車亦卽於填價內扣銀雇車入京凡車每輛若干亦有舊例定數可比者卽或水陸舟乘解官不能不藉書快之照管仍每名重給工食恤之而現成銀布官自監守與書快無預又何患收解之乾沒乎解官向爲縣佐府幕所營求蓋不待布之起程而費已不貲況衙役因之以騙剋其賠耗尤甚迨解官到京欠納一以身家相徇而悔無及矣至今該者哀之頃者新奉功令以官布責成白糧總部官帶解蘇常各府以佐貳官解隨卽遵行松江因屬民解未卽議更然年縣奉總部催解總部入京亦年行縣料理計原編填墊儘足潤解官之苦當不至力談也又何患差委之營求乎夫差委與領解收買俱

松江府志

卷二十七

七

松江府志

卷二十七

大

無可慮則官解行而民解可免卽舊役分任白糧等
解則一邑之役盡輕矣豈徒爲布解一役而已邪乃
鄉紳持論則曰官解美法也行之數年而不繼則仍
爲民累且口審編必公道必殷實發銀必早必完必
永如給申自收之新法爲布役計身家計長久無過
此道矣縣司再進布役而詢之各役亦謂身係大戶
往役固宜但得役之不竭力不破家者卽屬萬幸今
給申收銀法便役輕雖布解甚苦亦甘之矣先據糧
解邱賢等條陳謂布役之苦衙門指詐弊實無窮邪
瑞勒索賄壑難盈且不特此也買布而後領銀不免
重揭子錢且買布印驗解布獲批而價未領足卽領
亦必仗請託賄求所領又不得實無怪乎民間視之
如蹈湯火也旣蒙洞悉前弊布銀現給全給并衙門
需索一應牌票雜費盡行禁革所省實多各役皆有
起色矣佇望申詳將前項積弊嚴示禁約其自收新
法勒石永垂卽是陰德初縣司蒞任之始查儘京邊
金花完及五分卽派仁義禮智信五號銀櫃令布役
自收收完具領吏書不令經手民納之而民收之故
放領營扣之弊澈底清釐此固法之甚便而可久者
今將官解一議俟之後舉但嚴禁衙門需索雜費仍

府志

卷二十七

田賦志

六

永行自收之例則官布不爲民病矣
北運議略 北運民解二十八名計米共三萬五千
六百零糧并京凡春辦包載隨溜起制之煩與漕軍
操車載糧籍之耗歎家構索內瑞橫擾之費種種
並茶已不能堪然事勢有所必至卽各役亦安之矣
至衙役需索船戶帶貨及撐夫短絳分外打詐中途
受累最甚是在總部官設法嚴禁縣司曷敢越俎而
問惟是派收糧米儘本名本圖本區嚴比速完使之
歲除前後便了春辦卽起行早則中途濡滯猶不致
於守凍而費自省其車水腳銀一照布價之例分派
給串先收勿令吏書經手以杜扣剋等弊則原編銀
兩粗足前途之費如去年北運自謂不必到京每名
所收糧銀已省至三百金職此故也法稱最便應垂
永例

收兌議略 本縣漕兌一十七萬有奇不爲少矣舊
例八十區點糧長八十名收納戶米與官軍交兌役
稱最苦二十年內懲區運私侵逃累之弊始改收兌
六十名責令坐倉受納不許在家收費且將闔縣各
區糧米縱橫派收照派押兌而其苦益甚如收兌一
名派米一千八百石先期比較里排催納不足其項

松江府志

卷二十七

田賦志

九

戶拖欠事所必有及軍船臨欠兌姑令糧長代出而後追補戶種債雖萬不獲已之勢而追補不能如數則是以前幾名糧長代一邑之頑戶完通此賠兌之苦也歷年糧長慮賠兌派則以收足為勝算或他人以入錢收一石則此以七錢收而彼又以五錢收收者獲之愈急其折價愈下傍倉各提利其然即包收者細戶東西觀望但價輕者與之故游手間棍者半此搶收之米自不能應收者賠而未收者亦賠糧長所貯之米自然不能應收者賠而未收者亦賠令兇軍乘機打詐以便話會交兌於是迷匿者輩者一以書之權始重矣蓋本縣之有荒區此其地勢使然而又巧構細戶另提頑區名色故糧長畏其荒頑軍悍糧長委曲規避凡出兌之先後亦以賄而積兌又有費然在門內者一肅禁之即止而三苦則積痛難療縣司極力調劑始得成口拖延而又嚴禁頑區名色以開抗通之門此其要也凡糧長已收者派

松江府志

卷二十七

田賦志

十

役法

運布解約四五萬兩派糧自收計五年可省二十餘石即以此之加輕於七十餘萬之役則人人輕省是亦暗消役累之法也凡此苦心調停永絕流弊似宜相守無更者更查火耗一項上下聞之知之誰能掩耳偷鈴第此中剝除六釐三毫較他處以分錢計數者遠甚然他處賠加於民江南賦重故小民以輕等色銀重困收役則此項亦獨取之收銀役人最稱不便應司居恒恥聞之即出身策對痛言其穢故在青溪迄今示革陋規即首此項況前縣多有恤役示禁者即縣司行之亦非矯也後來豈無同心益在官之視收役并一邑小民有不止於毫釐而已者

國朝順治二年除明苛政凡南運粗細布各色解戶及收銀總催諸役俱罷之改為吏收官解仍量畝均編經費銀以供領解官吏役匠之費

三年巡撫土國寶從常熟公正許國賢請仿前明巡撫黃希憲事例題改白糧為官運民運之累盡息

四年華亭知縣潘必鏡改行圖收圖兌即以里長收糧兌軍未幾復故

六年巡撫御史秦世禎題定官收官兌部覆通行而雜費無從取辦故陽奉陰違猶僉民戶承值

十二年禁止雜差造船諸役

本年四月戶部行三百號勘合準御史馮題為派徵苛橫非常事奉

旨依擬通行一切造船油麻大樹煤炭釘鐵箭枝馬料鑽夫水手造冊雜項酌議補編會計估價給料如有擅出牌票者官參吏究按

察司使刊刻須發遵行

十三年分華亭西界三百一十里為婁縣重定里役

松江府志

卷二十七

三

華亭縣每年三百三十六名
郭志云先是十二年華亭知縣鄭公明良編審經催
計則役役輕重均平人心悅服及是張公超繼之綜
理則密編愈詳慎而徵比有法每經催完銀如數即
先期應示免比民知警動所省雜費皆完正課時以
為鄭公友元後惟兩公能辦美焉
役有小役大役如北運細布收兌收銀是也小役里
催是也年來大役如北運細布收兌收銀是也小役里
改爲官解細民得稍安枕席此真百年之利也獨里
催一役傳徵正課勢不得已但人謂大役難小役易
不知大役小役其財力以竣事如壯夫卒病稍能忍
仍見昭昭小役不盡其力氣不止人謂大役難小役
易而病勢大役不盡其力氣不止人謂大役難小役
止論圖分大至七八千或一區數戶或一保數戶小役則異是
七八百畝不能虧於十分之內其荒小之圖畏役益
甚則營卸益巧縣官竟無可措其手足是以難也余
承十甲之役奉憲編金矢之神明盧公采訪一手編
定竝不假借於左右以向來當大役之人當大役則
不足以前來當大役之人當大役則不足以前來當
事故盡悉其零星細戶以及孤寡殘疾之人責成於
中人之產立意似偏無心無愧也前審有圖書代充
之說圖書大抵皆赤棍也應不長死寬比則焚津貼
而蝕正賦嚴比則衙門單而越境根尋正身徒重累
耳今不致也前審有一甲均充五甲均充之說役無
所主零星難派豪強者槍辦以自肥弱若責妻鬻
子以代比不均孰甚焉今不致也前審有一甲均充
原報單書其名必詳其號注其居其業其業其業其
鳴移張張李今不致也前審有一甲均充五甲均充
葉德陳陳如等各捏一名渾渾渾渾渾渾渾渾渾渾
輪役按款報補既復賣賣賣賣賣賣賣賣賣賣賣賣
虧空今不致也前審有一甲均充五甲均充之說役
窮不濟其家混今特造挨號圖數賣賣賣賣賣賣
號號號號號號號號號號號號號號號號號號號號
絕等地和盤托出均品搭自無偏枯圖書藉口賠
勞坊廂迫貼以蘇重困此皆隨地立法大費制量超
以三年之采訪重以兩月之贊對政從來之積習定

松江府志

卷二十七

三

五載之役次會子日十目所視十手所指想亦有
諒者矣今役冊具在與當日役榜一字不更所以昭
信也結寫已竣將申各憲并存縣以告神君因列其
願末不禁詞之云
總甲以一年輪值開河應役一名以一年催辦白銀清
丁鄉兵為繁苦一切雜差有馬草水夫總甲總甲之役
近時尤為繁苦一切雜差有馬草水夫總甲總甲之役
總計一圖旬日之閒牌票不下一二十紙牌票小戶
其能舉此乎即如馬草一項每圖官給現銀五錢派
取酒飯錢五十束不過照時他耳而一出牌票差人
至如水大銀夫大銀夫大銀夫大銀夫大銀夫大銀
縣各圖無一得免者差役因而不過偶有軍興役使
費二三十金矣鄉兵鄉勇一出牌票差人與經承相
為表裏先許給甲以資糧許大戶以圖練詐小戶以
徵調名為衛民其實害民也火藥每斤折價三錢鉛
而每圖派取三十斤火藥每斤折價三錢鉛彈每斤
折價九錢一與經承串通則每圖約費五六兩既給
完票究竟不歸公家也其他清丈等冊不賄承差則
愈造愈駁造冊之費有限而追求之害無窮誠得官
長留心體卹則如縣若千圖當立一印冊遇有水夫
等軍興之用萬萬不可省者量其所費應得幾圖承
催照次點驗後有難差即將水差圖中會派周而復
始毋使該房干預則始無偏差之擾終無賄免之弊
矣其餘各房項務在會票之日精詳檢點在官省一牌
票則民閒便省數金之費毋使泥沙之用也
十四年巡撫都御史張中元禁革首名糧長并縣歇
倉歇蠹役
十六年
救撫按官禁革提充徭役及塘長納贖銀
郭志云舊例十年一編里役近以民戶易於消乏役
事繁重改爲五年後或三年二年編復愈審又或臨

期暫僉一年止將舊役抽斷承值名爲提充明年勢
不得已又踵行之遂爲故事於是圖書奸役恣行需
索民不勝困矣至里役辦糧次歲輸值開河名爲塘
長原爲木圖清河築堤以備水旱其後差助遠方致
各圖水利不修已非初制明季遂以差助爲常其不
點差者名爲曠役每名納銀若干名曰納贖不用其
力必竭其財於子民之義何居近奉革止民慶更生
山東道御史施維翰請復十年編審疏題爲編役
歲撥無法民膏竭難支仰祈
天語嚴察以清蠹獎以救殘黎事竊照東南財賦殷繁徭
役按圖其間如官吏之侵欺火耗之逾額兌軍橫索
賦而百蠹隨之具經各衙門條奏地方撫按諸臣
現奉

皇上陳之凡縣之中有充南北解役者爲大役五年一
倉者爲小役十年一倉按產分編挨輪承役官無歲
舉之繁民有息肩之隙此役法定例也近因官吏奸

松江府志

卷二十七

田賦志

三

役法

食每役止編一年每年提審一次考其故何裁編役
以五年十年合算則數多一縣里戶之稍稍殷實者
彼此不容隱漏而官吏亦無容上下其手若止編一
年則役少而可役之人多甲之賄入可移之乙矣乙
之賄入又可移之丙矣每移愈下承役者必單丁產
薄之人而貧者之身矣盡矣且一年一審則往歲之
爲甲爲乙者今歲又得以役恐之不得不前納賄
或更加其焉每歲一歲一審一審一納賄而富者
之身家亦盡矣況閭閻書造間有賈公正開報有費吏
胥承行有費差役拘提有費田畝之歲入有限公私
之歲出無窮於是百姓以產爲或上戶棄業身下
戶投網沈水嗟嗟東南幾於供役之日者什之五六
救下撫按嚴察提充納賄之弊仍照十年一審之例使小
民筋力稍舒歲月少暇得耕鑿以供正賦所裨
旨依議行
施維翰請禁塘長納贖疏略松江府小役之中催
糧之次年兼修本圖水利名爲塘長張則防隄調則
清淺時無水旱相與休息役法昭然未嘗另有輪納

也後則立曠工名色免其開河而令民納應役之銀
每圖索費三四兩不等官吏分肥沿爲定例不
則派開保河渠工難路遠費重勞深勢必加倍上
納以求解免不知所稱應開之河何官相度所應役
之夫率何文估計所應納之銀作何項支銷伏乞
救下撫按禁革納贖銀兩其本圖塘長止開本圖河港如
本年無應開之河即當相安無事不許借名納贖則
役外無役而小民之悉力供正役者子來恐後矣本
旨依議行

十八年戶科給事中柯聳奏編審之弊部覆通行均

書成

戶科右給事中柯聳疏略題爲請乘編審之期更
定充役之法并釐從前之積弊革久踞之蠹書以垂
永久以蘇民困事竊惟任土作賦因地起差此古今
不易之常規亦各省通行之大例也但恐人戶之消
長不同田畝之盈縮亦異所以定十年編審之法則
役隨田轉開田時定富者無免脫之弊貧者無改負

松江府志

卷二十七

田賦志

三

役法

之憂勞逸適均輸將恐後法至善也臣三年里居每
見考課雖嚴而各省之報完甚少
恩詔屢赦而錢糧之拖欠仍多細思其故官吏之侵漁差
徭之繁重固非一端然其根源總由於會典之不公
積弊之未剔今年前開已滿目下編審屆期即先經
戶部題覆請停無益之黃冊已滿目下編審屆期即先經
始五年編審一次此小民身家利害之關亦胥役張
牙吮血之會也若不徹底更張肅清宿弊何以拯民
困而垂永久乎以臣聞見所及約略五端爲我
皇上陳之一里甲田畝之額數宜均也查一縣田額若干
應審甲長若干每里十甲每甲該田若干田多者獨
充一名田少者中充一名其最零星者附於田尾名
曰花戶此定例也所以各項差役俱係里長挨甲充
當故力不勞而事易辦獨蘇松兩府名曰僉報殷實
竟不稽查田畝雖云十年定役又復每年小審前開
里甲輪至後開有田已賣盡貧無立錫而仍報重役
者遂有田連阡陌坐享膏腴而全不應差者不特十
年之中偏枯殊甚甚至年年小審行賄求情挪移脫
換遺弊多端田歸不役之家役累無田之戶以致貧
民竭骨難支逃徙隔屬虧朝廷之正賦荒成熟之賦

松江府志

卷二十七

三

嚴敕撫臣通行兩府及今大造之時必期田盡落甲役必
照出務將本區之田均入本區不得有遺空畝報以致
派入下區按田起役至公至當不得有遺空畝報以致
賣富差貧之弊庶幾役均而民便矣夫里甲十年一輪
者矣一花分子戶之積弊宜清也夫里甲十年一輪
田多畝里長田少為戶同矣新省各屬有等奸頑
富民串通本里則書每於編審之年捏立鬼戶飛酒
田數少者四五畝五六畝不等及至臨審缺額反將
數既已無多重役便已漏脫及至臨審缺額反將
民將產串立應充是田多者以花分而得額不將
者以愚實而應重差是田多者以花分而得額不將
今後各縣審役悉照上屆榜冊其一二應推收必驗實
有絕賣契稅契方許分戶如並無戶丁說立花名者查
出其田皆歸本戶矣一說寄之陋規宜懲也
而田皆歸本戶矣一說寄之陋規宜懲也
國朝優免則例原照品級之大小派免丁銀之多寡嗣後
部覆止免本丁之徭將優免之丁糧悉應停免則紳
士民久矣一體當差矣但查前冊定自順治八年時
部覆科臣劉顯績優免有畫一之規一疏止準免其
役法

雜辦不得濫免正賦致累小民等因奉
旨遵行所以進士舉貢生員猶有各立的名或書職銜名
曰官戶儒戶凡雜項差徭量行豁免至於正額糧賦
各自照規完納但田項差徭量行豁免至於正額糧賦
借名戶希圖幸免以致紳差繁苦未免有親族人等
立甲外且希圖幸免以致紳差繁苦未免有親族人等
香火上司承差書役亦皆各立戶名公然討免各差
今番造冊務將紳衿之名各立戶名公然討免各差
倘仍前陋習借名入冊將田入官本紳及親族人等
嚴加議罪如有化紳遠避官其親族私自立戶竟將本
人加等治罪原由仍行入官庶幾紳衿之弊革而小民
不致漏網矣一冒籍之立戶宜禁也紳衿即在本邑
止免本身丁徭況係隔省立戶宜禁也紳衿即在本邑
間有置買地畝亦當編入民里一體應差乃江浙
習竟有隔省籍之客戶日多本地之充役更苦今編
立冊戶凡有籍之客戶日多本地之充役更苦今編
實申報嚴行處分如縣官徇情不行其中另被發覺
一體治罪各紳亦當於鄰省各縣著意稽查如有冒

松江府志

卷二十七

三

立本戶即宜早自首明不得待事露之後藉口不知
說免議處則客籍不至漏賦賦額自歸畫一矣一
書之買充宜革也江浙各縣每於經制吏書之外每
里各有冊書一名或號里書或稱扇書專司書算似
不可少然此輩習習於見金術工於舞弊乘今大造
之時每人各出頂首銀若干買定里區至造冊之與
移甲換乙漏富差貧即前花分詭奇之弊皆出其手
更有臣等詳請水縣積糧包頭名目欺家即係區書一
人買充數里每年包納錢糧額額外私派家俱積歌掌
握其至收愚民之額課而臨比不完包富戶之差徭
革積蠹萬端更聞杭州各邑有以生員包充冊書官
法既所不加舞文益復何忌此番急請
新撫臣將秀水歌家杭州生員應充者嚴撤革除至
各縣冊書止許本里公報誠實無過精於推算者專
管推收書算等事是革蠹除奸之本也以上五款實
係編審時之大弊臣訪之江浙兩省者最真計今編
審屆期必須預行禁約而
數兩省撫臣通行各屬盡法除革并勒限冊報部科以便
稽查庶役均平而民咸樂業徵輸有法而

國課無虧矣餘外各省雖審冊之期不同不能保無各
獎應乞
大語申飭一體遵行者也如果務莫可承伏惟
敕部議覆施行因係修奏字數逾格合併申明
康熙元年巡撫韓世琦飭行均田均役嚴革經催江南
行松江府案巡撫都御史韓 為請乘編審之期
等事照得三吳田賦十倍於他省而徭役困苦莫甚
於今日豪強兼井之家膏腴滿野力能花說避役以
致富者愈富貧弱無告之民役累隨身每至流離通
負將見窮者益窮是皆有不念民瘼編審無法任
憑胥蠹作奸流弊莫可究詰近幸
廟堂軫念奉
旨均編審而遵條例通計合邑田畝和盤打算按圖算益
品搭停勻務將圖外官庠自免附戶花說等項盡行
刪汰一惟論田起役纖毫末許躲閃俾戶無無田之
役田無不役之人庶幾積弊頓除窮瘁稍可蘇息無
如所屬有司仍多瞻徇豪右迄今未見力行合速嚴
飭為此牌仰本府官吏查照來文并釋原行部容事
理即將所屬各縣統計合邑田畝畝若干分配區圖逐

里均平將一應圖外戶名盡歸入甲如官戶務要直
開鄉紳姓名不得造入子戶朋名及知數名字其鄉
紳子弟假借冒充者痛行禁絕至於庠戶必直書生
員姓名與學圃比對不得以別縣戶籍影立混淆一
應徭役按田起差毋蹈夙弊仍前編累通限半月內
均完速報倘再有違玩不卽力行或勢要豪猾造言
阻撓定以悖
旨糾參嚴處本院矢志力行官吏士民毋得以身試法文
到卽速先取遵依報查
毋得遲誤須至牌者

二年巡鹽御史趙祥星免婁縣一保十圖十一圖里役雜差

本府申覆準免雜差文案 婁縣一保一區十圖十
一圖里民沈敷陸明俊毛盛等呈爲役同苦倍事蒙
巡鹽御史蕭 批發松江府查報續奉巡鹽御史趙
批行轉行婁縣知縣胡思虞查覆得風漚地方江
浙要衝十圖十一圖一應承值送迎夜夫諸項差徭
繁苦實充坊廂之役而仍當鄉圖之差此一圖兩役

松江府志

卷二十七

毛

一役兩差歷奉憲行相應仿照坊廟圖例免其各貢
雜差使無偏累等因到府該知府郭廷弼看得鳳涇
一鎮果係浙直要津上臺往來必由之道十圖十一
圖生杭該鎮承值迭迎不遑寧處較之僻地之役勞
逸雲霄霄壤該圖援引坊廟事例額免一應雜差行
據該縣覆勘委係繁苦相應轉請憲鑒免其雜差以
示優恤仍勒石禁革使可垂久則奸役無乘機混差
之弊而勞民不致有向隅之泣矣具由申請蒙批如
詳行

五年隹縣知縣李復興詳行均用均役法

役原詳江南松江府崑崙縣爲萬姓之倒懸已極
該縣之立法宜更仰祈詳憲并用以難民困以裕
深乎據呈一六等保里催王臣徐仁張光周吉等呈
稱竊念均田均役久奉憲行其如所定捆束皆由圖
數把持圖書掌握田多者受賄免脫田少者無賄難
催造冊則朝更暮改分數則換李移張先後任其倒
置多寡聽其游移雖有均田均役之名初無均田均
役之實也急公奉法一時之貽累靡窮遽徙他方異

日之株連難盡始則年首逃亡繼則全圖驚竄以致催辦無人糧白毫無完納官府之受罰受參經承之被批破解總由於役法之不均故其弊有不可勝數也今試查歷年之積欠官儒役有乎欠者唯圖催也今日之逃亡官儒役有乎逃者皆圖民也則知官儒役之錢糧易起者其田有定而累少民戶之錢糧易欠者其田無定而累多也今惟從前之役盡照舊圖來年之役悉仿嘉湖事例毋論官儒民役將各圖田畝彙爲一處其有真正賠荒絕戶造明圩段細號通盤打算量行均派使圖規不得移熟作荒業戶可以開荒成熟俟收數既定然後配搭成圖糧白則照田完納雜差則按畝均攤以本名之田完本名之稅則催辦省而小民無賠累之苦比較約而官長無督責之煩以本名之田立本名之戶則不必審役而役自定不必均田而田自均有利無害一勞永逸救時良策莫便於此亦莫急於此矣今若因查舊圖現荒者皮骨空存僉補者脂膏殆盡況役而復役民實難堪上臺之催檄如雲圖役之逃亡日衆將來國賦何由而足兵餉何由而應乎伏望俯念民情嚴剔積弊將前由具詳各憲凡有田者各自造冊彙送印

松江府志

卷二十七

天

定存案照畝或圖按田徵稅庶民困可甦
國課日裕矣等情又據里役士民張元沈容等呈爲賦
役困窮已極奉
旨遵憲查勘湯火事又據六學生員王鎮沈讓夏書杜恆
春杜及春徐允貞宋殿郁鏐等呈爲役累難堪額天
亟救事各等情前來據此爲照賦徭繁重至今日而
疲敝已極斯民之困苦待救已非一日矣卑職荷蒙
覆載敢不以
國計民瘼爲念因任以來日擊時艱稔悉里困於均役
一案只加意釐剔乃紛紛呈控或稱圖奸賣富砌貧
或稱蠹役移張易李或稱奸棍借補之名恣意婪
索披閱之餘不勝痛心疾首於是嚴行飭革不憚勞
瘁按戶催徵非屬逃亡卽係鬼戶種種無著墮誤糧
餉爲查均田均役久奉
旨奉憲飭行誠屬愛民善政第奉行不力俾良法虛懸國
民交困今據前情除經會同紳衿徧傳里民共集鄉
酌愈同允議該卑職看得民之用於役者催辦差徭
其大關也今日之錢糧考成甚嚴乃日事追呼而積
欠如故者皆因田役不均逃亡所致耳今據自行并
田之議如一人有田百畝向皆花分爲數十鬼戶跨

立幾圖思避差徭殊不知反中圖奸之計此報彼除東免西補終歸髓涸而後已因之民口窮而糧日通害官累民固非一日今盡議除年首甲首之名將通縣之田仍照原詳均編三百圖每圖一百束每束辦田二十八畝計一年之餉約四兩五錢有零每月所完四錢五分一限完足則給單免比卽力有未逮兩限輸納亦僅二錢二三分爲數無多十月全完殊易爲力矣在田多者自辦自田之餉田少者照辦合東之銀辦省而役輕則鬼名詭寄又何利而顯分如此則圖書不必革而自退有力者不待僉而役定矣其歸并朋辦之法聽從民便以就其相識者便於催徵耳庶田田皆役戶戶均差此真衆擎易舉之良法貧富咸安之善政也再照差徭一項奉憲紳民一體均差浙省蘇屬盡皆遵行惟獨松郡仍有官儒役民之別查除塘工一差之外其餘雜役悉皆民圖承值以致田井勢豪役歸細戶紛紛逃竄軍餉有虧今議必均之法總於三百圖爲準奉有大工差徭詳請憲裁按田均派設有萬不得已之小役挨次輪流照圖承值設立號簿三百本申請撫憲印發各圖凡有差徭許圖民明登於簿按季繳縣彙申查

松江府志

卷二十七

田賦志

无

役法

核既絕規避不均之端并杜騷擾橫索之弊矣更有請者查婁邑荒地較之他邑尤多非盡田之荒蕪也逃亡者衆則有田無戶或貧民無力開墾自棄其土或田歸豪強而戶仍逃亡偏累國民代賠今議必均之法將合縣版籍荒田統計縣額均攤於三百圖內共相開墾庶不至拋荒缺餉并可以墾荒開熟不止民受其惠卽國用亦由此足矣又照塘曠之役上無膏於軍需下實民間重累徒充無益之侵漁遂成難革之積弊竝應詳請永禁除豁其名逢有開濬小工附近居民業戶均派承值大工遵照海塘事例遙縣合算計畝均派使無偏枯之弊至於坊廂之役比之鄉圖之苦尤甚排門小夫比戶日繁一體子民何忍勞逸迥別必須酌逸津勞以資其費卑職待罪有年已悉役中大槩況職司民牧何忍令斯民之疾呼而不爲之請命以上數款俱均役之切要仰祈逐一批示并卑職所敢擅專者也爲此今將前由另備書冊具申伏乞照詳示下遵奉施行

均編條議

一均圖之法一縣區圖用額多寡不齊若一體承役

必致大小不均茲蒙科憲柯題定均圖之法先將縣田地通盤打算均分若干圖每圖應均準熟田若干畝一圖分立十甲每甲應準熟田若干畝無論紳衿役民一井照田編甲則田必入圖圖無虧田永杜偏枯之弊矣

一井田之法人之有田者不必其盡在一圖也不盡在一圖而乃逐圖承役田多則催辦他人之田田少則又派辦於他人名下分頭四應日無休息矣爲思窮變通久之方識莫便於井田之法凡有田者不拘原舊區區界限如一人有數百畝之田而坐落不等區圖者卽以數百畝不等區圖之田彙歸本戶遵照均定新圖田額分爲各口編列一處完糧其小戶田不足甲仍許因親及親因友及友共井一甲卽於甲內分注明白各自出口聽其自己造間呈遞間內開明收井原某某都某某圖某某圩號田若干俟遞到之日查其住址相近者扶順編配是爲以田就人非以人就田人人自收自田已完已稅不用催辦之勞可杜僉點之弊徵輸俱便較之原規扶順割配之法更爲盡善也

一均役之法里役之苦至今日而甚矣至今日之年

松江府志

卷二十七

田賦志

三

不

首爲尤甚夫一圖之漕白盈千累百分比名目
花戶之挂欠而竟責之年首一人日受敲扑究無補
於正供兼以株連不已詐索百端逃亡日甚能無
木之恐夫紳衿役戶向有優免之例故田多者類皆
詭寄避役其在圖承役者悉屬貧民小戶獨膺繁苦
今已仰遵
朝廷一體當差之旨竝入均圖照田編甲在錢糧則各自
輸納差徭則各自承應既不偏枯亦無牽累夫役之
均也由於均田遠田之均也則井無役矣
一銷圖之法通縣田地每圖俱有圩號務先著令各
圖造明挨號一冊開注現業戶名呈遞存案以爲均
田張本俾從前飛灑隱漏之弊盡行釐剔革除然後
令業戶查明號冊照數收井即將業戶造成田冊逐
號參對原圖核準無異隨於該圖原號內注銷俟編
圖之日注明新編某圖訖倘有田數無多不願自己
出名寄并親識名下務要開明原戶姓名以便銷圖
仍再取戶領號一冊以與號冊爲經緯比如某圖一
人共有田若干內某某圩某某號各若干就田之多
少挨次攢造其有圖零星田畝無人收并者亦卽按
田按戶編歸一冊各照徵輸則無不稅之田矣

松江府志

卷二十七

三

役法

一徵輸之法徵輸條銀奉有部定之新限若分數不
歸畫一而單不行額銀照依戶計先行算抵即將所
茲生矣務將業戶額銀照依戶計先行算抵即將所
派之額銀分作十分按月一分一單存查即為根串寫明
先令櫃書編定申單其式一單存查即為根串寫明
某區圖甲戶某月首限銀若干二限銀若干或三限
銀若干前連三單謂之甲戶免比單每限一單則各
開一限之銀即令業戶悉照申單將銀自封入櫃投一
限之銀即令業戶悉照申單將銀自封入櫃投一
自歸農不用差押以杜滋擾如一月不截即吊櫃上
申根繳查明白倘有存留不截之單立時差拘著令
完截不預行差押致使完欠無分勤惰無別也其
算額編串如一圖十甲而止一戶者以一戶出額即
以一戶編串方為便民至於秋糧應作三限以一月為
各戶亦須編定申單照前徵輸此法一定則急公者
截票寧家可不見差役之虞而費累全消即抗頑者
拘到必完亦不致有拖欠之虞而費累全消即抗頑者
存則欠串去則完竟查串根而比簿可不用也第糧
書無壓欠之虞而早快無索錢之門則此法非其所極

松江府志

卷二十七

三

役法

法今其時矣願力行何如耳侯喜甚遂捐廉俸集羣
吏備文冊開局西郊專委天麒董其事三閱月而告
成其一徵輸之法俱直捷簡便可永為遵守華亭
上海青浦諸侯之德不哀而侯竟以何工註誤去位
邑歡呼頌侯之德不哀而侯竟以何工註誤去位
民制制其革猶以版荒未定為嘆亦以積勞致病卒
旅邸病且革猶以版荒未定為嘆亦以積勞致病卒
明迄今日造福我雲間者有名宦三人獨免難賦則
役則有文侯皆世正不阿者有金憲鄭善夫均田均
也運思未均之時羣奸攘臂喻舌萬姓皆受其功
有三害五不便四弊遠均編行而雪穀成消當事者
亦曾問其說乎何謂三害一曰審役之害二曰補役
之害三曰分役之害四曰分役之害五曰分役之害
勤索其說其欲盡矣造而歸并填單開報戶戶可以
訟之費百出均編行之往來守候審役之害六曰
也自役因逃亡不得開報另補乃一圖補而十圖據

松江府志

卷二十七

三

役法

效之朝張幕李移甲乙圖素衙蓋又喜役之無定
而指為利孔凡有立錫者人人自危均編行之無
須補補役之害絕矣有田之民皆良民也自役重
深愛思避役之害絕矣有田之民皆良民也自役重
論多寡和盤托出而花分避役之害絕矣有田之民
未役而先羅其害者也若乃承役之害絕矣有田之
五畝挂五六圖此鄉催辦役之不便也假如其大不
百畝挂五六圖此鄉催辦役之不便也假如其大不
應之圖好乘機包攬侵蝕衙空釀禍無窮今者并其
承役之不便也主戶有役必催辦外戶之田少而代
相識之人臨限而獨以他人之完欠為完欠之田皆
免乎今者均圖而痛癢亦復相開也一曰圖額之大小
合圖親友之田痛癢亦復相開也一曰圖額之大小
不一而承役之不便也本郡額額大者八九千畝小
三五畝則催辦大財人乃各項差乃與大圖一體承
力何堪今者均圖而痛癢亦復相開也一曰圖額之大小
也一曰圖田之荒熟不一而承役之不便也蓋各邑熱